



18. oktober 2006

Inatsisartut suleriaasaanni § 36, imm. 1 naapertorlugu Naalakkersuisunut imaattunik apeqquteqaateqarusuppunga:

Naalakkersuisunut apeqqut Alcoa-p suleqatigineqarneranik aqutsisuusut suleqatigiinnut ilaasortaaitat marluk pingaarutillit taarsernissaat pillugu.
(Inatsisartunut ilaasortaq, Marie Fleischer, Demokraatit)

Naalakkersuisunut apeqqut:

1. Amerikarmiut suliffiutaani Alcoa-mi nunarsuarmi aluminiilortut annersaannik suleqateqarnerup aqutsisuunik, immikkut ittumik attaviginnittartut marluk, Grønlands Turist-aamma Erhvervsrådip direktøriata, Stig Rømer Wintherip, kiisalu industriministeriusimasup, Nils Wilhjem-ip Peter Schultz-imit Naalakkersuisut allatteqarfianeersumit Svend Hardenbergimiillu, Nukissiorfiit direktøriani taarserneqarneri sumik peqquteqarpat?
2. Suleqatigiit attaveqartartut nutaat sulilersitat, Naalakkersuisut taarsigaannik marluusunik naleqqiullugit sukununa sullarinnerussuteqartut?
3. Attaveqartartutut pikkorissut ilaasortat marluk taarserneranni, Naalakkersuisut isumaqarmat suleqatigiinnerup iluani sulineq aalaakkaanerulersoq?

Pissutigalugu:

Nunat allamiut aningaasaliisinnaanissaat kajungernartunngortinniarneqassappat oqaatsimi paasinnissutissami uppernassuseq qitiutinneqartussaavoq. nunap aqutsisuini nunallu aningaasarsiornerani ingerlatsisuini.

Taamaattumik Demokraatiniit tupigusuutigineqaqaaq, aluminiumik nioqqutissiortup nunarsuarmi annerpaap, Alcoa-p suleqatigilersinnaanerata aallartinnerani qulaani taarsiinerup pisimanera. Suleqatigiinneq, ilutsinni saqitsaannerit pissutigalugit tamanna tamarmi annaasoorneqassanngippat - ullumikkumut Nunatta annerpaamik isertitsivigisinnaasaa.

Demokraatit tungaaninngaaniit tupigusuutigineqaqaaq paasillugu Grønlands Turist- aamma Erhvervsrådip direktøria, inuussutissarsiornerup ineriartornerani siunnersuisinnaasutut paasisimasaqarnerpaap soraarsitaasimanera, allaffeqarfimmilu direktørimit taarserneqarluni. Industriministeriusimasup, Nils Wilhjem-ip, avatangiiseq pillugu apeqqutigisartakkaminik nunarsuatsinni ilisimaneqartup, avatangiisinillu illersuinaqatigiinnit tatigineqarluartup, Nukissiorfiit direktøriannik Nukissiorfiit iluanni aaqqissuusseqqinnermik ulapputissaqareeqisumit taarserneqarsimanera taamaaqataanik Demokraatiniit tupigusuutigeqaarput.

Kingusinnerpaamik 1. november 2006 uannut akissuteqaqqugaluarpasi.